



古文孝經

山子點





門口心  
1741  
卷

蕪山先生訓點 千里必究

# 古文孝經

江戸書肆 嵩山房梓

## 重刻古文孝經序

先王之道莫大於孝。仲尼之教莫先於孝。自六經而下無非孔氏遺書。其有出孝經之右者乎。何以言之。天下無有無父母之人。故也。孝經有二本。其一。河間王所得十八章者。謂之今文。其一。魯共王壞孔壁所得竹牒科斗文二十二章者。孔安國所為作傳。謂之古文。安國曰。今文十八章。文字多誤。又曰。河間王所上雖多誤。然以先出之故。諸國往往有之。漢先帝發詔稱其辭。



重刻古文孝經

嵩山房



者。皆言傳曰。其實今文孝經也。由是觀之。今文孝經之行也。已久矣。古文者。雖安國爲之訓傳。蓋當時未之行也。迨乎漢季。馬季長擬作忠經十八章。倣今文孝經也。鄭康成注孝經。亦其今文者也。自是厥後。今文孝經之行。彌盛。而古文亦與之俱行。至唐明皇親注孝經。雖兼取孔鄭二家之說。然其經則用今文。取其闕閨門章也。於是古文孝經遂廢不行。至宋邢昺依明皇御注作正義。然後孝經唯御注本行于世。鄭注遂

亡。古文孝經亦亡。其傳文而僅存其經文。宋人尊信孝經者。莫若司馬溫公。然特得古文本經而讀之耳。不覩孔傳也。自二程至朱熹氏。皆疑孝經以爲後人所擬作。朱子又妄改易本經篇章。著爲經一章。傳十四章。且刪去其本文二百餘字。孔子曰。信而好古。若朱子者。可謂拂矣。自是以來。學朱氏者。舉不信孝經。塾師不以爲教。至令童子輩。曰。弗見孝經。悲夫。先王之道。莫大於孝。仲尼之教。莫先於孝。夫子不曰乎。吾志在



春秋行在孝經。是以後世人主不讀書則已。苟讀書者必自孝經始。况下焉者乎。今朱氏之徒不讀孝經而學心法。其不爲浮屠之歸者幾希。夫古書之亡于中夏而存于我。

日本者頗多。宋歐陽子嘗作詩稱逸書百篇。今尚存。昔僧裔然適宋獻鄭注孝經一本於太宗。司馬君實等得之大喜。云今去其世七百有餘年。古書之散逸者亦不少。而孔傳古文孝經全然尚存于我。

日本豈不異哉。予嘗試檢其書。古人所引孔安國孝經傳者。及明皇御注之文。邢昺以爲依孔傳者。畢有特有一二字不同耳。得非傳寫之互訛乎。先儒多疑孔傳以爲後人僞造者。予獨以爲非。經曰。身體髮膚受之父母。弗敢毀傷。孝之始也。諸家解皆以爲孝子不得以凡人事及過失毀傷其身體。孔傳乃以爲刑傷。蓋三代之刑有劓。則及宮。非傷身乎。剕。非傷體乎。髡。非傷髮乎。墨。非傷膚乎。以此觀之。孔傳尤有所當也。王



仲任亦嘗誦是經文而曰孝者怕入刑辟刻畫  
身體毀傷髮膚少德泊行不戒慎之所致也合  
而觀之可以見古訓焉如從諸家說則忠臣赴  
君難者不避水火兵刃節婦有斷髮截鼻者彼  
皆爲不孝矣是說不通也余故曰孔傳者安國  
所作無疑也或曰尚書之文奇古難讀安國傳  
之其言甚簡孝經之文平易安國傳之乃不厭  
繁文何也曰傳尚書者爲學士大夫也故不盡  
其說使讀者思而得之傳孝經者爲凡人也故

丁寧其言以告諭之此其所以不同也嗚呼夫  
孝者百行之本萬善之先自天子至庶人所不  
可以一日廢也夫孝不可以一日廢則孝經亦  
不可以一日廢也夫自朱氏之學行而孝經久  
廢于世純常慨焉幸孔壁古文孝經并與安國  
之傳存于我

日本者寧不知珍而寶之哉惟是經國人相傳  
之久不知歷幾人書寫是以文字訛謬魚魯不  
辨純既以數本校讐且旁及他書所引若釋氏





所稱述苟有足徵者莫不參考十更裘葛乃成  
定本其經文與宋人所謂古文者亦不全同今  
不敢從彼改此蓋相承之異未必宋本之是而  
我本之非也傳中間有不成語雖疑其有誤然  
諸本皆同無所取正故姑傳疑以俟君子今文  
唐陸元朗嘗音之古文則否今因依陸氏音例  
並音經傳庶乎令讀者不誤其音矣書成而欲  
刻之家塾則淺田思孝出其橐裝以助費遂趣  
命工從事予未能為吾家孝子且為孔氏忠臣

云爾。

日本享保十六年辛亥十一月壬午

太宰純謹序



序終



古文孝經序

孔安國

孝經者何也。孝者人之高行。經常也。自有天地  
 人民以來。而孝道著矣。上有明王。則大化滂流。  
 充塞六合。若其無也。則斯道滅息。行下孟反。滂  
 普光反。塞先  
北當吾先君孔子之世。周失其柄。諸侯力爭。道  
 德既隱。禮誼又廢。至乃臣弑其君。子弑其父。亂  
 逆無紀。莫之能正。是以夫子每於閒居而歎述  
 古之孝道也。弑施志反。下  
 同。閒音閑。夫子敷先王之教於

孝經

序

三

高山房



魯之洙泗門徒三千而達者七十有二也貫首弟子顏回閔子騫冉伯牛仲弓性也至孝之自然皆不待論而寤者也其餘則悻悻憤憤若存若亡敷芳無反洙音殊泗音四有音又下有唯曾參躬行匹夫之孝而未達天子諸侯以下揚名顯親之事因侍坐而諮問焉故夫子告其誼於是曾子喟然知孝之為大也遂集而錄之名曰孝經與五經竝行於世參所金反坐才逮乎六國學校衰廢及秦始皇焚書坑儒孝經由是

絕而不傳也逮大計反又音代下同校戶至漢

興建元之初河間王得而獻之凡十八章文字

多誤博士頗以教授後魯共王使人壞夫子講

堂於壁中石函得古文孝經二十二章載在竹

牒其長尺有二寸字科斗形共音恭壞音怪牒徒協反長直亮反

魯三老孔子惠抱詣京師獻之天子天子使金

馬門待詔學士與博士羣儒從隸字寫之還子

惠一通以一通賜所幸侍中霍光光甚好之言

為口實好呼報反下同時王公貴人咸神祕焉比於禁



方天下競欲求學莫能得者每使者至魯輒以  
人事請索或好事者募以錢帛用相問遺魯吏  
有至帝都者無不齎持以為行路之資故古文  
孝經初出於孔氏使色吏反索所遺唯季反而今文十八  
章諸儒各任意巧說分為數家之誼淺學者以  
當六經其大車載不勝反云孔氏無古文孝經  
欲矇時人度其為說誣亦甚矣數色主反勝音升矇音蒙度待  
反吾愍其如此發憤精思為之訓傳悉載本文  
萬有餘言朱以發經墨以起傳庶後學者覩正

誼之有在也思息嗣反傳直戀反下皆同今中祕書皆以魯  
三老所獻古文為正河間王所上雖多誤然以  
先出之故諸國往往有之漢先帝發詔稱其辭  
者皆言傳曰其實今文孝經也上時掌反昔吾逮從  
伏生論古文尚書誼時學士會云出叔孫氏之  
門自道知孝經有師法其說移風易俗莫善於  
樂謂為天子用樂省萬邦之風以知其盛衰衰  
則移之以貞盛之教淫則移之以貞固之風皆  
以樂聲知之知則移之故云移風易俗莫善於



樂也。省息又師曠云。吾驟歌南風。多死聲。楚必無功。即其類也。且曰。庶民之愚。安能識音。而可以樂移之乎。驟仕當時衆人僉以為善。吾嫌其說迂然。無以難之。後推尋其意。殊不得爾也。難且子游為武城宰。作絃歌以化民。武城之下邑。而猶化之。以樂故。傳曰。夫樂以關山川之風。以矐德於廣遠。風德以廣之。風物以聽之。脩詩以詠之。脩禮以節之。又曰。用之邦國。焉用之鄉人焉。此非唯天子用樂明矣。夫音扶。下同。風德。福鳳反。下風物同。夫

雲集而龍興。虎嘯而風起。物之相感。有自然者。不可謂毋也。胡笳吟動。馬蹠而悲。黃老之彈。嬰兒起舞。庶民之愚。愈於胡馬與嬰兒也。何為不可以樂化之。毋音無。蹠徒協反。經又云。敬其父則子說。敬其君則臣說。而說者以為各自敬其為君父之道。臣子乃說也。余謂不然。君雖不君。臣不可以不臣。父雖不父。子不可以不子。若君父不敬其為君父之道。則臣子便可以忿之邪。此說不通矣。吾為傳皆弗之從焉也。子說。臣說。乃說。竝音悅。忿。芳吻反。邪。



耶音

序終

孝經

漢魯人孔安國傳 上毛 山世璠國讀

日本信陽 太宰純音 孫格參校

開宗明誼章第一 經一百二十五字

仲尼閒居曾子侍坐 仲尼者孔子字也凡名有

有類以名生為信以德名為誼以類名為象有假物為假取父為類仲尼首上汚似尼丘山故名曰丘而字仲尼孔子者男子之通稱也仲尼之兄伯尼閒居者靜而思道也曾子者男子之通稱也名參其父曾點亦孔子弟子也侍坐承事左右問道訓也○閒音閑坐才卧反汚烏華反參所反  
子曰參先王有至德要道以訓天下 子孔子也

孝經

高山



師一而已。故不稱姓。先王先聖王也。至德孝德也。孝生於敬。敬者寡而說者衆。故謂之要道也。訓教也。道者扶持萬物。使各終其性命者也。施於人。則變化其行。而之正理。故道在身。則言自順。而行自正。事君自忠。事父自孝。與人自信。應物自治。一人用之。不聞有餘。天下行之。不聞不足。小取焉。小得福。大取焉。大得福。天下行之。而則謂之孝弟仁誼禮忠信也。○參所金反。下同。說音悅。行下孟反。下而行同。治直吏反。別彼列反。弟大。民用和睦。上下亡怨。女知之乎。言先王計反。奉理則遠者。和附。近者睦親也。所謂率已以化人也。廢此二誼。則萬姓不協。父子相怨。其數然也。問曾子。女寧知先王之以孝道化乎。曾子辟席曰。參不敏。何足以知之乎。跪稱名答曰。參性遲鈍。見誼不疾。何足辱以知先王要道乎。蓋謙辭也。凡弟子請業。及師之問。皆作而離席也。○辟音避。離。子曰。夫孝德之本也。教之所繇生也。孝者。乃立德之本。基也。教化所從生也。德者得也。天地之道得。則日月星辰不失其敘。寒燠雷雨不失其節。人主之化得。則羣臣同其誼。百官守其職。萬姓說其惠。來世歌其治。父母之恩得。則子孫和順。長幼相承。親戚歡娛。姻族敦睦。道之美。莫精於德也。○夫音扶。絲音由。燠於六反。說音悅。治直吏反。長。復坐。吾語女。將開大道。欲其丁丈反。娛音虞。復坐。吾語女。審聽。故命還復。本坐而後語之。夫辟席答對。弟子執恭。告命復坐。師之恩恕也。○坐才卧反。傳同。語魚據反。傳同。令力呈反。下同。身體髮膚受之父母。不敢毀傷。孝之始也。情性相通。分形異體。能自保全。而

傷孝之始也。情性相通。分形異體。能自保全。而

孝經

卷之四



無刑傷。則其所以為孝之始者也。是以君子之道謙約自持。居上不驕。處下不亂。推敵能讓。在眾不爭。故遠於咎悔。而無凶禍之災焉。立身行也。○處昌呂反。推吐雷反。遠于萬反。

道揚名於後世。以顯父母孝之終也。立身者。立身於孝也。束脩進德。志邁清風。遊于六藝之場。蹈于無過之地。乾乾日競。夙夜匪懈。行其孝道。聲譽宜聞。父母尊顯於當時。子孫光榮於無窮。此則夫孝之終竟也。○解佳賣反。聞如字。又音問。夫孝。

始於事親。中於事君。終於立身。言孝行之非一也。其為孝也。非徒不毀傷父母之遺體而已。故略於上。而詳於此。互相備矣。禮。男初生。則使人執桑弧蓬矢。射天地四方。示其有事。是故自生至長。老信朋友為始也。四十以往。所謂中也。仕服官政。行其典誼。奉法無貳。事君之道也。七十老。

致仕。縣其所仕之車。置諸廟。永使子孫鑒而則焉。立身之終。其要然也。○夫音扶。行下孟反。射食亦反。長丁。大雅云。亡念爾祖。聿脩其德。大雅文王之德也。無念也。聿。述也。言當念其先祖而述脩其德也。斷章取誼。上下相成。所以終始孝道。不以敢解倦者。以為人子孫懼不克昌。前烈。負累其先祖故也。○亡音無。斷音短。解佳賣反。累劣。偽反。

天子章第二。經五十三字。子曰。愛親者不敢惡於人。謂內愛已親。而外不遺。是謂君心上。以順教。則萬民同風。旦暮利之。則從事。勝任也。○惡烏路反。夫音扶。勝音升。敬親者不敢慢於人。謂內敬其親。而外不慢於人。所以為至德也。其至德。

孝經。三。萬山房。



以和天下而長幼之節肅焉尊卑之序辨焉是故不遺老忘親則九族無怨爵授有德則大臣與誼祿與有勞則士死其制任官以能則民上功刑當其罪則治無詭帥士以民之所載則上下和舉治先民之所急則衆不亂常行斯道也故國有紀綱而民知所以終始之也○長丁丈反上與尚同帥所愛敬盡於事親然後德教加於百姓刑於四海刑法也百姓被其德四海法者耳目之詔也立身而民化德正而官辦安危在本治亂在身故孝者至德要道也有其人則通無其人則塞也○治亂直吏反塞先北反蓋天子之孝也蓋者稱辭也又陳其大綱則綱目必舉天子呂刑云一之孝道不出此域也○較古岳反

人有慶兆民賴之呂刑尚書篇名也呂者國名四嶽之後也為諸侯相穆王

訓夏之贖刑以告四方一人謂天子也慶善也十億為兆言天子有善德兆民賴其福也夫明王設位法象天地是以天子稟命於天而布德於諸侯諸侯受命而宜於卿大夫卿大夫承教而告於百姓故諸侯有善讓功天子卿大夫有善推美諸侯士庶人有善歸之卿大夫子弟有善移之父兄由上之德化也○相息亮反夏戶雅反贖神蜀反夫音扶推吐雷反

諸侯章第三經七十

子曰居上不驕高而不危高者必以下為基故居上位不驕莫不好利而惡害其能與百姓同利者則萬民持之是以雖處高猶不危也○好呼報反惡烏路反處昌呂制節謹度滿而不溢有制有節謹其法度是守足之道也其知而不盈溢矣雖滿高而不危所以長守貴也滿而



不溢所以長守富也

皆自然也。先王疾驕。天道虧盈。不驕。不溢。用能長守。

富貴也是故自高者必有下之。自多者必有損之。故古之聖賢不上其高。以求下人。不溢其滿。

以謙受人。所以自終。也。○下人。遐嫁反。富貴不離其身。然後能保。

其社稷而其民人蓋諸侯之孝也

有其德。斯其爵矣。有社

稷。行其政令。則人民和輯。四境以寧。諸侯之孝道。其法如此也。○離力。詩云戰戰兢兢如臨深

淵。如履薄冰。行孝亦然。故取喻焉。臨深淵。恐墜。履薄冰。恐陷。言常不敢自康也。夫能自危者。則

能安其位者也。憂其亡者。則能保其存者也。懼其亂者。則能有其治者也。故君子安而不忘危。

存而不忘亡。治而不忘亂。是以身安而國家可保也。○兢。居陵反。治直吏反。下同。

保也。○兢。居陵反。治直吏反。下同。

卿大夫章第四

經九十四字

子曰非先王之法服不敢服

服者身之表也。尊卑貴賤各有等差。

故賤服貴服謂之僭上。僭上為不忠。貴服賤服謂之僭下。僭下為失位。是以君子動不違法。舉

不越制。所以成其德也。○差。初佳反。又初宜反。僭彼力反。非先王之法言不

敢道。法言謂孝弟忠信仁誼禮典也。此八者。不

地。公平無私。賢不肖莫不用。是先王之法言不

行不敢行。脩德於身。行之於人。擬而後言。議而

能應外。施必先當。是以安而。是故非法不



言非道不行。後必合典法。然後乃言。必合道誼。然

度之言。明王不許也。尤所宜慎。故申覆之法。服有制。是以不重也。○覆芳伏反。重直用反。口

亡擇言。身亡擇行。皆善。無可棄擇者焉。若夫偷

得利而後有害。偷得樂而後有憂。則先王所不

言。所不行也。○亡音無。下皆同行。下孟反。傳言

扶樂音洛。言滿天下。亡口過行。滿天下。亡怨惡。

聖人詳慎。與世超絕。發言必顧其累。將行必慮

其難。故出言而天下說之。所行而天下樂之。言

不逆民。行不悖事。則人恐其不復言。恐其不復

行。若言之不可復者。其事不信也。行之不可再

者。其行暴賊也。言而不信。則民不附。行而暴賊

則天下怨。民不附。天下怨。此皆滅亡所從生也。

○行下孟反。傳行不行之。其行皆同。惡烏路反。

累劣偽反。難乃旦反。說音悅。樂音洛。悖補對反。

復扶又。三者備矣。然後能保其祿位。而守其宗

廟。蓋卿大夫之孝也。三者。謂服應法。言有則行

者。三者無闕。則可以安其位。食其祿。祭祀祖考

護守宗廟。宗者尊也。廟者貌也。父母既沒。宅兆

其靈。於之祭祀。謂之尊貌。此卿大夫。詩云。夙夜匪

解。以事一人。詩大雅。烝民。美仲山甫之章也。仲

子。得其道。故取成誼焉。言其柔嘉維則。令儀令

色。小心翼翼。古訓是式。威儀是力。既明且哲。以

保其身。皆與此誼同也。○解佳賣反。

士章第五 經八十 六字

子曰。資於事父。以事母。其愛同。資。取也。取事父



也。愛同。資於事父以事君其敬同。言愛父與母同也。敬君與父同也。  
 故母取其愛而君取其敬兼之者父也。母至親而君至尊而不親唯父兼尊親之誼焉。夫至親者則敬不至至尊者則愛不至人常情也是故為人父者不明其父子之誼以教其子則子不知為人君者不明其君臣之誼以正其臣則臣不知為人君者不明其主君臣以誼固上下以序和衆庶以愛輯則主有令而民行之也。夫音扶輯音集。故以孝事君則忠。孝者則子婦孝子婦孝則親之所安也。父母教而得理則子婦孝子婦孝則親之所安也。能盡孝以順親則當於親當於親則美名彰人君寬而不虐則臣下忠臣下忠則君之所用也。能盡忠以事節則當於君當於君則爵祿至是故執人臣之節以事親其孝可知也。操事親之道以事君其

忠必矣。○行下孟以弟事長則順。弟者善事兄反下同。操七刀反。  
 於弟故觀其所以事兄則知其所以事長也。○弟大計反傳同長丁丈反傳同忠順不失以事其上然後能保其爵祿而守其祭祀蓋士之孝也。上謂君長也此撮凡舉要申解為士者則以其不失忠順於君詩云夙興夜寐亡忝爾所生我與當夙起夜寐進德脩業以無忝辱其父母也。能揚名顯父母保位守祭祀非以孝弟莫由至焉也。○亡音無宛於阮反弟大計反。  
 庶人章第六經二十四字  
 子曰因天之時就地之利。天時謂春生夏長秋收冬藏也。地利謂原



隰水陸各有所宜也。庶人之業。稼穡為務。審因四時。就於地宜。除田擊槁。深耕疾耰。時雨既至。播殖百穀。挾其槍刈。脩其壟畝。脫衣就功。暴其髮膚。且暮從事。霑體塗足。少而習焉。其心休焉。是故其父兄之教。不肅而成。其子弟之學。不勞而能也。○長丁丈友。槁古老友。耄於求反。槍七步木反。刈魚廢反。暴謹身節用以養父母。此庶人之孝也。謹身者。不取犯非也。節用者。約而不奢。患悔而財用給足。以恭事其親。此庶人之所以為孝也。○養羊尚反。

孝平章第七

經二十

子曰。故自天子以下。至於庶人。

故者。故上陳孝五章之誼也。

孝亡終始而患不及者。未之有也。

躬行孝道。尊卑一揆。人子

之道。所以為常也。必有終始。然後乃善。其不能終始者。必及患禍矣。故為君而惠為父而慈。為臣而忠為子而順。此四者。人之大節也。大節在身。雖有小過。不為不孝。為君而虐。為父而暴。為臣而不忠。為子而不順。此四者。人之大失也。大失在身。雖有小善。不得為孝。上章既品其為孝之道。此又總說其無終始之咎。以勉人為高行也。○行下孟反。

三才章第八

經一百二十九

曾子曰。甚哉孝之大也。

曾子聞孝為德本。而化

焉。行者。遇福不用者。蒙惠。然後乃知孝之為甚大也。

子曰。夫孝。天之經也。

地之誼也。民之行也。

經。常也。誼。宜也。行。所由也。亦皆謂常也。夫天有常節。

地有常宜。人有常行。一設而不變。此謂三常也。孝其本也。兼而統之。則人君之道也。分而殊之。



則人臣之事也。君失其道，無以有其國。臣失其道，無以有其位。故上之畜下，不妄；下之事上，不虛。孝之致也。○夫音扶。傳同。畜許六反。天地之經，而民是行。下孟反。傳同。畜許六反。

則之。是此誼也。則法也。治安百姓，人君之則也。諫爭死節，臣下之則也。盡力善養，子婦之則也。人君不易其則，故百姓說焉。父母不易其則，故家事脩焉。臣下不易其則，故主無憾焉。子婦不易其則，故家易其則。故親養具焉。斯皆法天地之常道也。是故用則者安，不用則者危也。○爭音諍。養羊尚反。則天之明，因下同說音悅。憇與愆同。起處反。

地之利，以訓天下。夫覆而無外者，天也。其德無物莫不殖焉。是以聖人法之，以覆載萬民。萬民得職而莫不樂用。故天地不為一物，枉其時日。月不為一物，晦其明明。王不為一人，枉其法。法天合德，象地無缺。取日月之無私，則兆民賴其

福也。○夫音扶。覆扶又反。下是以其教不肅而成。其政不嚴而治。呼音達。五十里，因高之響也。造父執御，千里不疲。因馬之勢也。聖人因天地以設法，循民心以立化。故不加威肅而教自成。不加嚴刑而政自治也。○治直吏反。先王見教傳同。呼火故反。造七報反。父音甫。先王見教之可以化民也。之識見教化終始。是故先之以博愛而民莫遺其親。博愛汎愛衆也。先垂博愛之無有遺忘也。陳之以德誼而民興行。陳布也。布德其親者也。先之以敬讓而民不爭。上為敬則下故民起而先之以敬讓而民不爭。不慢上好讓。行德誼也。先之以敬讓而民不爭。不慢上好讓。則下不爭。上之化下。猶風之靡草。故每輒道之以已率先之也。○好呼報反。率所律反。



以禮樂而民和睦禮以強教之樂以說安之君

於是乎道之斯行綏之斯來動之斯和感之斯睦也

示之以好惡而民知禁好謂賞也惡謂罰也賞

而不可犯分職察而不可亂人君所以令行而

禁止也令行禁止者必先令於民之所以好而禁

於民之所惡然後詳其鈇鉞慎其祿賞焉有犯

聽而可以得存者是號令不足以使下也

禁而可以得免者是鈇鉞不足以威衆也

功而可以得富者是祿賞不足以勸民也

不足以使下鈇鉞不足以威衆祿賞不足以勸

民則人君無以自守之也

○好呼報反傳同惡

鳥路反傳同分扶問詩云赫赫師尹民具爾瞻

反鈇方于反鈇音越詩云赫赫顯盛也師大師尹

氏詩小雅節南山之章也赫赫顯盛也師大師尹

周之三公也具皆也爾女也言居顯盛之位

衆民皆瞻仰之所行不可以違天地之經也善

惡則民從故有位者慎焉

○赫赫火百反節音截

大音泰女音汝

孝治章第九經一十四字

子曰昔者明王之以孝治天下也所謂明者照

其情也故下得道上賤得道貴卑者不待尊寵

而充大臣不因左右而進百官脩道各奉其職

有罰者主充其罪有賞者主知其功充知不悖

賞罰不差有不蔽道故曰明所謂孝者至德要

道也治亦訓也若乃蒞官不忠非孝也不愛萬

物非孝也接下不惠非孝也事上不敬非孝也

○亢苦浪反下同不敢遺小國之臣而況於公

蒞音利一音類

侯伯子男乎小國之臣臣之卑者也公侯伯子



不敢遺忘尊者故得萬國之歡心以事其先王  
見敬可知也。尊者萬國者舉盈數也。明王崇愛敬以接下。則下竭歡心而應之。是故損上益下。民說無疆。自上而下。其道大光。事之者謂四時享祀。駿奔走在廟也。○說音悅。疆居良反。下下。上遐嫁反。在治國者不敢侮於鰥寡而況於士民乎。鰥寡之人。弱。猶且。不侮慢。故得百姓之歡心以事其先君也。○說天子言先王。道諸侯言先君。皆明其祖考也。凡民愛之則親利之。則至。是以明君之政。設利以致之。明愛以親之。若徒利而不愛。則衆不親。徒愛而不利。則衆不至。愛利俱行。衆乃說也。○乃治家者不敢失於臣妾之心而況於妻子乎。卿大夫稱家。臣之與妾。賤人也。妻之與子。貴者也。接賤不失禮。則其敬貴必矣。故

得人之歡心以事其親  
人謂采邑之人也。愛利事其親。不言先者。大夫以賢舉。包父。夫然故生祖之見在也。○采七代反。見賢通反。夫然故生則親安之。祭則鬼享之。夫然猶言如是。生盡孝。故鬼饗之。謂其祖考也。○夫音是以天下和平。扶傳同。養羊尚反。齊側皆反。  
 災害不生禍亂不作  
上下行孝愛敬交通。天下生禍亂不起也。○故明王之以孝治天下也。如音悅。孽魚列反。行善則休徵報之。行惡則咎徵此。隨之皆行之致也。此有諸侯及卿大夫之事。而主於明王者。下之能孝。詩云有覺德行四國化於上也。○皆行下孟反。詩云有覺德行四國順之。詩大雅抑之章也。覺直也。言先王行正直之德。則四方之衆國皆順從法則之也。○



行下  
孟反

聖治章第十 經一百四  
十一字

曾子曰敢問聖人之德亡以加於孝乎曾子聞

孝道化天下如上章之詳故知聖人建德無以尚於孝矣○亡音無子曰天地之

性人為貴人之行莫大於孝性生也言凡生類

人最其貴者也正君臣上下之誼篤父子兄弟

夫妻之道辨男女內外疏數之節章明福慶示

以廉恥所以為貴也孝者德之本教之所由生

也故人之行莫大於孝焉○行下孟反傳同數

反色角孝莫大於嚴父嚴父莫大於配天則周公

其人也以嚴尊也言為孝之道無大於尊嚴其父

故曰則昔者周公郊祀后稷以配天凡禘郊祖

祭之名也天子祭天周公攝政制之祀典也於

祭天之時后稷佑坐而配食之也○禘大計反

宗祀文王於明堂以配上帝上言郊祀此言宗

一也明堂禮誼之堂即周公相成王所以朝諸

侯者也上帝亦天也文王於明堂后稷於園丘

也○相息亮反朝是以四海之內各以其職來

助祭夫聖人之德又何以加於孝乎人主以孝

愛也周公秉人君之權操必化之道以治必用

之民處人主之勢以御必服之臣是以教行而

下順海內公侯奉其職貢咸來助祭聖孝之極

也復何以加之孝乎○夫音扶秉音是故親生

丙操七刀反處昌呂反復扶又反



毓之以養父母曰嚴育之者父母也故其敬以

教敬因親以教愛言其不失於人情也其因有

不嚴而治其所因者本也凡聖人設教皆緣人

故不加威肅而教成不加嚴刑而政治以其皆

因人之本性故也○治直吏反傳同道音導

父母生績章第十一經三十字

子曰父子之道天性也言父慈而教子愛而箴

其天性非君臣之誼也親愛相加則為父子之

誼焉此又所以為兼之事也父母生之績莫大焉君親臨之

厚莫重焉復之功莫大焉者也有君親

之愛臨長其子恩情之厚莫重焉者也凡上之

所施於下者厚則下之報上亦厚厚薄之報各

從其所施薄施而厚饋雖君不能得之於臣雖

父不能得之於子民之從於厚猶飢之求食寒

之欲衣厚則歸之薄則去之有由然也○長丁丈反饋其位反

孝優秀章第十二經一十字

子曰不愛其親而愛他人者謂之悖德不敬其

親而敬他人者謂之悖禮盡愛敬之道以事其

之本也違是道則悖亂德禮以訓則昏民亡則

也○悖補對反下及傳皆同



焉。夫德禮不易。靡人不懷。德禮之悖。人莫之歸。故以訓民。則昏亂昏亂之教。則民無所取法也。○亡音扶。不宅於善。而皆在於凶德。宅居也。孝無夫音扶。不宅於善。而皆在於凶德。弟敬順。為善德。昏亂無法。為凶德。不愛其親。非孝弟也。不敬其親。非敬順也。故曰不居於善。皆在於凶德也。○弟大。雖得志。君子弗從也。得志。謂居位行計。及下同。雖得志。君子弗從也。德也。不諛而富貴。於我如浮雲。無潤澤於萬物。故君子弗從。以言下邦無善政。不味食其祿也。君子則不然。既不為悖德悖禮之事。言思可道。行思可樂。言則思忠。行則思敬。不虛言。行也。思可道。行之。行必果也。合乎先王之法言。故可道。合乎先王之德行。故可行也。○行下孟反。傳行則言不行。必德行。故可行也。○行下孟反。傳行則言不行。樂言。然後乃言。言必信也。思可行之事。然後乃行。行必果也。合乎先王之法言。故可道。合乎先王之德行。故可行也。○行下孟反。傳行則言不行。同。樂音洛。皆德誼可尊。作事可法。立德行誼。不可違道。正故可。

尊也。制作事業。動容止可觀。進退可度。儀也。進得物宜。故可法也。容止可觀。進退可度。儀也。進退動靜也。正其衣冠。尊其瞻視。俯仰曲折。必合規矩。則可觀矣。詳其舉止。審其動靜。進退周旋。不越禮法。則可度也。以臨其民。是以其民良而愛之。則而象之也。以者。以君子言行德誼進退之事。則民愛之。良之則用。愛之則親。民親而用。則君道成矣。君有君之威儀。則臣下則親而象之。故其在位。可畏。施舍可愛。進退可度。周旋可則。容止可觀。作事可法。德誼可象。聲氣可樂。動作有文。言語有章。以臨其民。謂之有。故能成其德教。而威儀也。○行下孟反。樂音洛。故能成其德教。而行其政令。上正身。以下率。上下順。上不違。故其國家。令聞長世。臣能守其官職。保族供祀。順是以下。皆若是。是以上下能相固也。○聞音問。



詩云。淑人君子。其儀不忒。也。國風曹詩。尸鳩之章也。言善人君子之於威儀無差忒。所以明上用。上誼也。忒他得反。

紀孝行章第十三 經九十三字

子曰。孝子之事親也。條說所以事親之誼也。居則致其敬。

養則致其樂。謂虔恭朝夕。盡其歡愛。和顏說色。致養父母。孝敬之節也。養羊尚

疾則致其憂。喪則致其哀。祭則致

其嚴。反傳同。樂音悅。衣冠不解。行不正履。所謂致其憂也。親既

終沒。思慕號咷。斬衰歎粥。卜兆祖葬。所謂致其

其齊敬之心。又竭其尊肅之敬。所謂致其嚴也。

五者備矣。然後能事其親者。七雷反。歡川悅反。附音附。齊側皆反。五者。生之道三。事死之道二。備此五者之誼。乃可謂能事其親也。

事親者居上不

驕。為下不亂。在醜不爭。驕。善接下也。醜。羣類也。不

居上而驕則亡。為下而亂則刑。在醜

而爭則兵。刑。而無禮。所以亡也。亂而不恭。所以

及此三者不除。雖日用三牲之養。絲為不孝也。

三者。謂驕亂爭也。不除。言在身也。三牲。牛羊豕也。絲。固也。二者在身。死亡將至。既自受禍。父母

蒙患。雖日用三牲供養。固為不

五刑章第十四 經三十七字



子曰五刑之屬三千。五刑謂墨劓剕宮大辟也。其三千條。墨劓剕之屬千。截其鼻也。剕之屬五百。斷其足也。宮之屬三百。割其勢也。大辟之屬二百。死刑也。凡五刑之屬三千也。○劓剕之屬二百。死刑也。辟婢亦反。下同。願息郎反。斷音

短。而鼻莫大於不孝。言不孝之鼻。大於三千之  
刑也。鼻者謂居上而驕。為

下而亂。在醜而爭之。要君者亡。上非聖人者亡。

比也。○鼻古罪字。要謂約勒也。君者所以稟命也。

**法非孝者亡親。**而要之此有無上之心者也。聖人制法所以為治也。而非之此有無法之心者也。孝者親之至也。而非之此有無親之心者也。三者皆不孝之甚也。○要於遙反。傳此大亂之

道也。此無上無法無親也。言其不恥不仁不長不誼為大亂之本。不可不絕也。凡為國者

利莫大於治。害莫大於亂。亂之所生。生於不祥。上不愛下。下不供上。則不祥也。羣臣不用禮誼。則不祥也。有司離法而專違制。則不祥也。故法者至道也。聖君之所以為天下儀存亡治亂之所出也。君臣上下皆發焉。是以明王置儀設法。而固守之。卿相不得存其私。羣臣不得便其親。百官之事。案以法則。姦不生。暴慢之人。繩以法。則禍亂不起。夫能生法者。明君也。能守法者。忠臣也。能從法者。良民也。○治直吏反。下同。離力智反。相息亮反。夫音扶。

廣要道章第十五

子曰教民親愛莫善於孝。孝者愛其親以及人之親。孝行著而愛人

之心存焉。故欲民之相親愛。則無

善於先教之。以孝也。○行下孟反。教民禮順莫

善於弟。弟者敬其兄。以及人之長。能弟者則能

敬順於人者也。故欲民之長。以禮相順。則



無善於先教之。以弟也。○移風易俗莫善於樂。弟大計反。傳同。長丁丈反。化也。俗常也。移太平之化。易衰弊之常也。樂五聲之主。盪滌人之心。使和易專一。由中情出。者也。故其聞之者。雖不識音。猶屏息靜聽。深思遠慮。其知音。則循宮商而變節。隨角徵以改操。是。以古之教民。莫不以樂。以皆為無尚之故也。○盪唐黨反。滌徒歷反。和易以鼓反。屏必領反。徵張反。安上治民莫善於禮。言禮最其善。孝弟之里反。亂而貴賤爭。賢者失所。不肖者蒙幸。是故明王之治。崇等禮。以顯之。設爵級。以休之。班祿賜。以勸之。所以政成。禮者敬而已矣。出於孝弟。是也。○弟大計反。威儀三千。皆殊事。而故禮經三百。威儀三千。皆殊事。而合敬異流。而同歸也。○弟大計反。故敬其父。則子說敬其兄。則弟說敬其君。則臣說。此言先王

道化天下。而天下子弟臣說喜也。教之。以孝。是敬其父。教之。以弟。是敬其兄。教之。以臣。是敬其君也。○說音悅。傳。敬一人而千萬人說。以上說所之事。此總而言也。一人者。各謂其父兄。所敬者。君。千萬人者。羣子弟及臣也。○說音悅。寡而說者。衆此之謂要道也。寡謂一人也。衆謂化民。此其要者矣。所以說成。敬一人之誼也。○說音悅。

廣至德章第十六 經八十 三字

子曰。君子之教。以孝也。非家至而日見之也。此所以申明上章之誼焉。言君子之教民。以孝。非家至而日見語之也。君子亦謂先王也。夫蛟龍得水。然後立其神。聖人得民。然後成其教。以孝。所其化也。○語魚據反。夫音扶。蛟音交。教以孝所



以敬天下之為人父者也。所謂敬其父則子說也。以孝道教即敬

天下之為人父者也。說音悅。教以弟所以敬天下之為人兄

者也。所謂敬其兄則弟說也。以弟道教即敬

者也。所謂敬其兄則弟說也。以弟道教即敬

音悅。教以臣所以敬天下之為人君者也。所謂

君則臣說也。以臣道教即敬天下之為人君

者也。古之帝王父事三老。兄事五更。君事皇

所以示子弟臣人之道也。及其養國老則天子

祖而割牲執醬而饋之。執爵而酌之。盡忠敬於

其所尊也。尸即所祭之像。故臣子致其尊嚴也。三

象者。國之舊德。賢俊而老。所從問道。故有三

老。五更。國之臣。更習古事。博物多識。所從

人焉。五更者。國之臣。更習古事。博物多識。所從

諮道訓。故有五更人焉。說音悅。更音反。詩云。愷悌

庚下同。祖音但。饋其位反。酌以飴反。詩云。愷悌

君子民之父母。

詩大雅泂酌之章也。愷樂悌易也。言君子敬以居身樂易于人。

其貴老慈幼忠愛之心似民之父母故以此詩明之也。愷苦亥反悌大計反泂音迥樂音洛下同易以非至德其孰能訓民如此其大者乎。豉反下同。非至德其孰能訓民如此其大者乎。孝之為德其至矣。故非有孝德其誰能以孝教民。如此其大者乎。言敷德以化下。下皆順而從之也。

應感章第十七 經一百一十三字

子曰昔者明王事父孝故事天明事母孝故事

地察。孝謂立宗廟豐祭祀也。王者父事天母事

地能追孝其父母則事天地不失其道。不

失其道則天地長幼順故上下治。謂克明厥德

之精爽明察矣。

之精爽明察矣。

之精爽明察矣。



長者於王父兄之列也。幼者於王子弟之屬也。能順其長幼之節，則親疏有序，而化之天下。上下不亂也。○長丁丈反。天地明察，鬼神章矣。傳同。治直吏反。屬章欲反。天地明察，鬼神之道，不得生也。故雖章著也。謂人神不擾，各順其常，禍災不生也。故雖

天子必有尊也，言有父也。必有先也，言有兄也。必有長也。更申覆上誼也。天子雖尊，猶尊父事。伏反。覆芳。宗廟致敬，不忘親也。脩身慎行，恐辱先也。說所以事父母之道也。立廟設主，以象其生。存潔齊敬祀，以追孝繼思，脩行揚名，以顯明。

宗廟致敬，鬼神著矣。○行下孟反。傳同。齊側皆反。宗廟致敬，鬼神以

以蕃言，上下各致敬，以祀其先人。則鬼神有所依歸，不相干犯也。言無凶癘也。○癘音厲。孝弟之至，通於神明，光於四海，所不暨。暨，光也。

明王以孝治天下，則癘鬼為之，不神。不神者，不為患害也。其精神徵應如此，故曰通於神明。又充塞于天地之間焉。無所不及。言普洽也。○弟大計反。亡音無。暨其器反。為于偽反。塞先北反。洽戶反。詩云：自東自西，自南自北，亡思不服。雅詩大甲反。王有聲之章也。美武王孝德之至，而四方皆來服從，與光于四海，無所不暨。誼同。故舉以明此誼也。亡音無。

廣揚名章第十八 經四十四字

子曰：君子事親孝，故忠可移於君。能孝於親，則必能忠於君。



矣。求忠臣必於孝子之門也。事兄弟故順可移於長。兄則必能順於長矣。忠出于孝順出于弟。故可移事於父。弟之忠順以事於君長也。○弟大計反。傳同。長丁文反。居家理故治可移於官。能理於家者則傳同。官君子之於人。內觀其事親所以知其事君。內察其治家所以知其治官。是以言治者必效之。以其實。譽人者必試之。以其官。故虛言不敢自進。不肖不敢處官也。○治直吏反。傳其治言治同。譽音餘。是以行成於內而名立於後世矣。孝處昌呂反。是以前行成於內而名立於後世矣。弟之行。事父兄也。而忠順出焉。能理于其家。閨門事也。而治官出焉。所謂行成於內而名立於後世也。昔虞舜生於畎畝。父頑母嚚。弟又很傲。用能理率行孝道。烝烝不怠。天下推之。萬姓詠之。彌歷千載。而聲聞不亡。所謂揚名後世以顯父母也。○行下孟反。傳之行行成同。弟大計反。畎

工犬反。嚚魚巾反。很與狠同。胡懇反。推吐雷反。聞音問。

閨門章第十九 經二十四字

子曰：閨門之內具禮矣乎。上章陳孝道既詳。故於此都目其為具禮。

矣。夫禮經國家定社稷厚人民利後嗣者也。君子脩孝於閨門而事君事長以治官之誼備存焉。○夫音扶。嚴親嚴兄。所以言具禮之事也。嚴長丁文反。嚴親嚴兄。弟也。孝以事君。弟以事長。而忠順之節著矣。妻子臣妾。絲百

姓徒役也。臣謂家臣僕也。故家人有嚴君焉。父之謂也。父謂嚴君。而兄為尊長。則其妻子臣妾。猶百姓徒役。是故君子役私家之內。而君人之禮具矣。○絲音由。長丁文反。

諫爭章第二十八 經一百四十八字



曾子曰若夫慈愛龔敬安親揚名參聞命矣慈者所以接下也恭敬者所以事上也安親揚名者孝子之行也曾子稱名曰參既得聞此命也

○夫音扶龔與恭同參所金反下同行下孟反敢問子從父之命可謂

孝乎疑思問也夫親愛禮順非違命之謂也子以為於誼有闕是以問焉○夫音扶

曰參是何言與是何言與言之不通邪再言之深也。可不相濟謂之和。以水濟水謂之同。和實生民同則不繼務在不違同也。從是爭非和也。

曾子魯鈍不推致此誼故謂之不通也。與音餘下同邪音耶爭音諍昔者天子

有爭臣七人七人謂三公及前疑後丞左輔右弼也凡此七官主諫正天子之非也。○爭音諍章雖亡道不失天下無道者不循內及傳皆同先王之至德

要道也。不失天下言從諫也。帝王之事。一日萬機。萬機有闕。天子受之禍。故立諫爭之官。以匡

已過。過而能改。善之大者也。故凡諫所以安上。猶食之肥體也。主逆諫則國亡。人告食則體瘠也。○亡音無。下亡道。諸侯有爭臣五人。自上以

同。告音紫。椿在昔反。諸侯有爭臣五人。自上以

以兩故。五人。五人謂天子所命之孤卿。雖亡道

及國之三卿與大夫也。○殺所戒反。雖亡道

不失其國。誰非聖人不能無愆。從諫如流。斯不亡失也。○愆起虔反。大夫有

爭臣三人。三人謂家相宗老側。雖亡道不失其

家。皆謂能受正諫善補過也。天子王有四海。故

以天下為稱。諸侯君臨百姓。故以國為名。大

夫祿食采邑。故以家為號。凡此皆周

之班制也。○稱尺證反。采七代反。士有爭友。

則身不離於令名。同志為友。士以道誼相切磋。在

者。故有非則忠告之。以善道

則身不離於令名。同志為友。士以道誼相切磋。在

者。故有非則忠告之。以善道

則身不離於令名。同志為友。士以道誼相切磋。在

者。故有非則忠告之。以善道

則身不離於令名。同志為友。士以道誼相切磋。在



謂之爭友。不離善名。言常在身也。○父有爭子。離力智反。傳同。嗟七何反。告古毒反。父有爭子。則身不陷於不誼。而父有過。則子必安。幾諫見志。則復諫也。又不從。則號泣而從之。終不使父陷。于不誼而已。則孝子之道也。○幾音機。說音悅。下同。復扶又。故當不誼。則子不可以不爭於父。反。號戶刀反。故當不誼。則子不可以不爭於父。當。值也。值。父有不誼之。臣不可以不爭於君。事。子。值。不可。以。不。諫。爭。也。臣。不。可。以。不。爭。於。君。君。事。之。禮。值。其。有。非。必。犯。嚴。顏。以。道。諫。爭。二。諫。不。納。奉。身。以。退。有。匡。正。之。忠。無。阿。順。之。從。良。臣。之。節。也。若。乃。見。可。諫。而。不。諫。謂。之。尸。位。見。可。退。而。不。退。謂。之。懷。寵。懷。寵。尸。位。國。之。姦。人。也。姦。人。在。朝。賢。者。不。進。苟。國。有。患。則。優。俺。侏。儒。必。起。議。國。事。矣。是。謂。人。主。毆。國。而。捐。之。也。○三。息。暫。反。朝。直。遙。反。俺。與。闞。同。一。故。當。不。誼。則。爭。之。從。父。之。命。作。奄。毆。起。俱。反。

又安得為孝乎。

從命不得為孝。則諫為孝矣。故諫爭所以為忠。孝者。重見當其不誼也。夫臣能固爭。至忠。子能固諫。至孝也。人主忌忠。謂之不君。人父忌孝。謂之不父。忌忠。孝則大亂之本也。○重直用反。夫音扶。

事君章第二十一

經四十九字

子曰。君子之事上也。

上。謂君父。此之謂君子。以德稱也。有君子之德而在下位。固所以進思盡忠。退思補過。必竭其忠貞。宜事君也。

進思盡忠。退思補過。

必竭其忠貞。宜事君也。

之節。以圖國事。直道正辭。有犯無隱。退還所職。思其事。宜獻可替否。以補主過。所以為忠。君有過而臣不行。謂之補。將順其美。匡救其惡。將行其法。令順之。而不逆。君有過。臣舉言。而匡之。救其邪辟之行。使不至於惡。此臣之所以為功。



也。故明王審言教以清法案分職以課功立功者賞亂政者誅誅賞之所加各得其宜也。○辟匹亦反。之。行。下。故。上。下。能。相。親。也。道。主。以。先。王。孟。反。分。扶。問。反。故。上。下。能。相。親。也。道。主。以。先。王。無。過。之。地。君。臣。並。受。其。福。上。下。交。和。所。謂。相。親。是。故。詳。才。量。能。講。德。而。舉。上。之。道。下。也。盡。忠。守。節。謨。明。弼。諧。下。之。事。上。也。為。人。君。而。下。知。臣。事。則。有。司。不。任。為。人。臣。而。上。專。主。行。則。上。失。其。威。是。以。有。道。之。君。務。正。德。以。蒞。下。而。下。不。言。知。能。之。術。知。能。下。所。以。供。上。也。所。以。用。知。能。者。上。之。道。也。故。不。言。知。能。而。政。治。者。善。人。舉。官。人。得。視。聽。者。衆。也。夫。人。君。坐。萬。物。之。源。而。官。諸。生。之。職。者。也。上。有。其。道。下。守。其。職。上。下。之。分。定。也。○道。音。導。下。道。下。同。行。下。孟。反。下。同。拯。拯。救。之。極。蒞。音。利。又。音。類。治。直。吏。反。詩。云。心。乎。愛。矣。遐。不。謂。矣。反。夫。音。扶。分。扶。問。反。詩。云。心。乎。愛。矣。遐。不。謂。矣。則。遠。乎。不。以。善。事。語。之。也。○語。魚。據。反。忠。心。臧。

之何日忘之。君子忠。心實善。則何日。豈忘。謂其與詩同。故取以明之。此詩小雅隰桑之章也。○臧子郎反。語魚據反。

### 喪親章第二十二

經一百四十二字

子曰。孝子之喪親也。親也。父母沒。斬衰居憂。謂之喪。哭不依禮。亡容。斬衰之哭。其聲若往而不反。無所以主於哀也。言不文。發言不文。飾其辭也。斬為不文也。○服美不安。夫唯不安。故不服也。美唯維矣。反。服美不安。謂錦繡盛服也。先王制禮。稱情立文。凶服象其憂。吉服象其樂。各所以表飾中情也。是以衰麻在身。即有悲哀之色。端冕在身。即有矜莊之色。介冑在身。即有可畏之色也。○夫音扶。稱尺證反。樂音洛。聞樂。



不樂食旨不甘旨亦美也其不樂故不聽不美

樂音洛此哀戚之情也所以解上六句之誼

日而食教民亡以死傷生也禮親終哭踊無數

斂力驗反後同饋之然反粥斂力驗反後同饋之然反粥

之正也滅性謂不以毀瘠杖然後起而不可

比於不孝此聖人之正制也喪不過三年示民

有終也孝子有終身之憂然三年之喪二十五

性則是無窮也故以禮取中制為三年使賢者

俯就不肖者企及所以示民有竟之限也

苦穴反企為之棺槨衣衾以舉之禮為死制

丘豉反衣周於身衣即斂衣衾被也舉尸內之

棺槨也棺音官槨音郭為死于偽反內音納

陳其簠簋而哀戚之簠簋祭器盛黍稷者祭器

不毀孝子所以重增哀戚也簠音

甫簠音軌盛音成下同重直龍反哭泣擗踊

哀以送之卜其宅兆而安措之擗心曰擗跳曰

男踊女擗哀以送之送墓始死牖下浴於

中霽飯於牖下斂於戶內殯於客位祖奠於庭

謂塋域宅謂穴措置也安置棺槨於其宅兆

地者孝子重慎恐其下有伏石漏水後為市朝

遠防之也擗婢亦反槌與椎同一作槌跳徒

彫反泄息列反牖羊九反霽力又反飯為之宗

扶晚反殯必刃反塋音營朝直遙反



廟以鬼享之。春秋祭祀以時思之。三年喪畢立其宗廟。用鬼

禮享祀之也。言春則有夏言秋則有冬。舉春秋而四時之誼存矣。春雨既濡君子履之必有怵

惕之心。感親而脩祭焉。所謂以時思之也。生事

○享許丈反。通作享。怵救律反。惕他歷反。愛敬死事哀戚。父母生則事之以愛敬。死則事

糾居黝反。反。生民之本盡矣。孝子之事終矣。言為孝

終竟於此篇也。

通計經一千八百六十一字  
傳八千七百九十四字

孝經終

古文孝經 春臺先生音註 無點本 全 孔子家語 春臺先生增註 全五冊

同標註頭書 兼山先生著 全 同頭書標箋 同撰 全五冊

同參疏 同撰 全三冊 同冢註家語 大峯先生著 全五冊

同正文全大字白文 東江先生書 全 同國字解 鏡湖先生述 全五冊

同私記定本 朝川善庵先生著 全三冊 論語古訓 春臺先生撰 全五冊

同足利本全同國字解 全 同外傳 同撰 全十冊

同講釋全三冊同國字辨全三冊 同素讀正文 訓點附 全一冊

同冢田 大峯先生註 全同和字訓 全 春臺先生文集 全十二冊

女孝經 素讀本 唐鄭氏著 全 詩書古傳 同撰 全十五冊

文政十二己丑初夏

日本橋通南二町目

東都書肆

嵩山房

小林新兵衛板



